

**INFORMACIJA O IMPLEMENTACIJI ZAKONA O PROVOĐENJU KONTROLE ZAKONITOSTI  
KORIŠTENJA PRAVA IZ OBLASTI BRANILAČKO-INVALIDSKE ZAŠTITE ZA PERIOD  
OKTOBAR-DECEMBAR 2023.GODINE**

(član 11. Zakona o provođenju kontrole zakonitosti korištenja prava iz oblasti branilačko-invalidske zaštite „Službene  
novine Federacije Bosne i Hercegovine“, br. 82/09 i 103/21)

**Broj: 05-02/2-1062/24**

**Sarajevo, mart 2024. godine**

## SADRŽAJ

|  |    |
|--|----|
| Uvod   | 3  |
| 1. Realizacija Zakona o reviziji za period oktobar-decembar 2023. godine   | 3  |
| 1.1. Tabela rni pregled predmeta svih kategorija ukupno kontrolisani i nekontrolisani od početka revizije do 31.12.2023. godine. | 4  |
| 1.2. Penzije ostvarene po povoljnijim uslovima   | 5  |
| 2. Pokazatelji o II. i III. fazi revizije za IV. kvartal 2023. godine i ukupno od početka revizije do 31.12.2023. godine         | 6  |
| 2.1. Pokazatelji o radu ljekarske komisije Instituta u postupku po Zakonu o reviziji   | 7  |
| 3. Uočene pojave koje utiču na proces provođenja Zakona i prijedlozi za njihovo prevazilaženje                                   | 8  |
| 3.1. Realizacija Presuda Ustavnog suda Federacije BiH  | 8  |
| 4. Rad Revizorskog tima za koordinaciju  | 8  |
| 5. Angažovanje diplomiranih pravnika i drugih po osnovu ugovora o djelu i volontera  | 9  |
| 6. Dinamički plan  | 10 |
| 7. Realizacija dosadašnjih zaključaka Vlade Federacije BiH   | 11 |
| 8. Završna razmatranja   | 11 |

# INFORMACIJA O IMPLEMENTACIJI ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO-INVALIDSKE ZAŠTITE ZA PERIOD OKTOBAR-DECEMBAR 2023. GODINE

(član 11. Zakona o provođenju kontrole zakonitosti korištenja prava iz oblasti branilačko-invalidske zaštite „Službene novine Federacije Bosne i Hercegovine“, br. 82/09 i 103/21)

## Uvod

Zakon o provođenju kontrole zakonitosti korištenja prava iz oblasti branilačko-invalidske zaštite objavljen je u "Službenim novinama Federacije BiH", br. 82/09 i 103/21 (u daljem tekstu: Zakon o reviziji). Pripreme za početak realizacije, donošenje podzakonskih akata i formiranje revizorskih timova trajalo je do 05.07.2010. godine, kada je zvanično počela provedba Zakona o reviziji.

Članom 11. stav 2. Zakona o reviziji propisana je obaveza Federalnog ministarstva za pitanja boraca i invalida odbrambeno – oslobodilačkog rata/Federalnom ministarstvu za pitanja branitelja i invalida odbrambeno-oslobodilačkog rata (u daljem tekstu: Federalno ministarstvo), da Vladi Federacije Bosne i Hercegovine dostavlja informaciju o postignutim rezultatima revizije najmanje trmesečno.

Od početka implementacije Zakona o reviziji (05.07.2010. godine), Vlada Federacije Bosne i Hercegovine je do sada razmatrala i usvojila 54 informacije o njegovom provođenju.

U informacijama su opisane faze vršenja kontrole zakonitosti, prikazan broj pregledanih predmeta za koje su izdati nalozi za izdavanje Uvjerenja na obrascu FMB-1 i Uvjerenja na obrascu FMB-2, te obrazloženi problemi u vezi sa provođenjem kontrole zakonitosti.

U ovoj informaciji prikazani su rezultati primjene Zakona o reviziji za period 01.10.2023. do 31.12.2023. godine, kao i od početka revizije do 31.12.2023. godine.

## 1. Realizacija Zakona o reviziji za period oktobar-decembar 2023. godine

U periodu oktobar-decembar u skladu sa Dinamičkim planom na realizaciji I. faze revizije nisu bili angažovani Revizorski timovi za kontrolu. U IV. kvartalu Revizorski tim za koordinaciju nije postupao u predmetima sa početnog popisa korisnika prava iz 2010. godine koji su podlijezali kontroli u skladu sa odredbama Zakona o reviziji, te je broj predmeta u kojim postupak revizije nije okončan ostao ne promjenjen u odnosu na predhodnu informaciju.



### 1.1. Tabela pregled predmeta svih kategorija ukupno kontrolisani i nekontrolisani od početka revizije do 31.12.2023. godine

|            | Lična invalidnina        |                    |                      | Porodična invalidnina    |                    |                      | Povoljnije penzije       |                    |                      | Odlikovanja              |                    |                      |
|------------|--------------------------|--------------------|----------------------|--------------------------|--------------------|----------------------|--------------------------|--------------------|----------------------|--------------------------|--------------------|----------------------|
|            | Pregledano<br>31.12.2023 | Nije<br>31.12.2023 | Ukupno<br>30.06.2010 | Pregledano<br>31.12.2023 | Nije<br>31.12.2023 | Ukupno<br>30.06.2010 | Pregledano<br>31.12.2023 | Nije<br>31.12.2023 | Ukupno<br>30.06.2010 | Pregledano<br>31.12.2023 | Nije<br>31.12.2023 | Ukupno<br>30.06.2010 |
| Kanton     |                          |                    |                      |                          |                    |                      |                          |                    |                      |                          |                    |                      |
| USK        | 4818                     | 0                  | 4818                 | 5228                     | 1                  | 5229                 | 1964                     | 1                  | 1965                 | 419                      | 1                  | 420                  |
| POSAVSKI   | 3149                     | 0                  | 3149                 | 1329                     | 1                  | 1330                 | 878                      | 2                  | 880                  | 296                      | 0                  | 296                  |
| TUZLANSKI  | 7090                     | 0                  | 7090                 | 11052                    | 1                  | 11053                | 4076                     | 2                  | 4078                 | 413                      | 1                  | 414                  |
| ZE-DO      | 6690                     | 1                  | 6691                 | 5874                     | 1                  | 5875                 | 5531                     | 1                  | 5532                 | 517                      | 1                  | 518                  |
| PODRINJSKI | 718                      | 0                  | 718                  | 1060                     | 0                  | 1060                 | 1263                     | 1                  | 1264                 | 66                       | 0                  | 66                   |
| SBK        | 7156                     | 0                  | 7156                 | 5523                     | 1                  | 5524                 | 5904                     | 2                  | 5906                 | 572                      | 2                  | 574                  |
| HNK        | 9094                     | 0                  | 9094                 | 3382                     | 1                  | 3383                 | 5212                     | 2                  | 5214                 | 914                      | 2                  | 916                  |
| ZHK        | 4525                     | 0                  | 4525                 | 326                      | 0                  | 385                  | 1905                     | 2                  | 1907                 | 522                      | 1                  | 523                  |
| KANTON     |                          |                    |                      |                          |                    |                      |                          |                    |                      |                          |                    |                      |
| SARAJEVO   | 10234                    | 1                  | 10235                | 12249                    | 1                  | 12250                | 5557                     | 1                  | 5558                 | 937                      | 1                  | 938                  |
| KANTON 10  | 1082                     | 0                  | 1082                 | 404                      | 0                  | 404                  | 656                      | 1                  | 657                  | 261                      | 1                  | 262                  |
| BRČKO      |                          |                    |                      |                          |                    |                      |                          |                    |                      |                          |                    |                      |
| DISTRIKT   | 887                      | 0                  | 887                  | 733                      | 0                  | 733                  | 416                      | 2                  | 418                  | 78                       | 0                  | 78                   |
| UKUPNO     | 55443                    | 2                  | 55445                | 47219                    | 7                  | 47226                | 33362                    | 17                 | 33379                | 4995                     | 10                 | 5005                 |

pregledano 141019  
ostaje 36

UKUPNO 141055

Iz tabelarnog prikaza vidljivo je da je od početka primjene Zakona o reviziji do 31.12.2023. godine postupak kontrole okončan u 141019 predmeta korisnika nekog od prava ostvarenog na osnovu propisa koji podliježu reviziji.

Od tog broja:

- 55443 predmeta su predmeti korisnika prava na ličnu invalidninu,
- 47219 predmeta su predmeti korisnika prava na porodičnu invalidninu,
- 33362 predmeta su predmeti korisnika koji su ostvarili pravo na penziju pod povoljnijim uslovima,
- 4995 predmeta su predmeti korisnika prava na mjesečni novčani dodatak – nosioci najviših ratnih priznanja i odlikovanja.

Odnosno, da postupak kontrole I. faza revizije nije okončana još u 36 predmeta.  
Od tog broja:

- 2 predmeta su predmeti korisnika prava na ličnu invalidninu,
- 7 predmeta su predmeti korisnika prava na porodičnu invalidninu.
- 17 predmeta su predmeti korisnika koji su ostvarili pravo na penziju pod povoljnijim uslovima,
- 10 predmeta su predmeti korisnika prava na mjesečni novčani dodatak po osnovu dodjeljenog najvišeg ratnog priznanja ili odlikovanja.

## **1.2. Penzije ostvarene po povoljnijim uslovima**

Po podacima sa kojima raspolaže ovo Ministarstvo na početku revizije struktura ostvarenih prava na penziju pod povoljnijim uslovima je bila sljedeća: Uredba I - 985 korisnika, Uredba II - 4.512 korisnika, Uredba III - 5.042 korisnika, Zakon o pravima demobiliziranih branilaca i članova njihovih porodica (u daljem tekstu: Zakon o pravima demobiliziranih branilaca) - 3.849 korisnika koji su ispunili uslove po Zakonu PIO/MIO, Zakon o pravima demobiliziranih branilaca - 6.608 korisnika koji nisu ispunili uslove po Zakonu PIO/MIO, Zakon o povoljnijem prijevremenom penzionisanju branilaca odbrambeno-oslobodilačkog rata - 8.147 korisnika, Zakon o pravima branilaca i članova njihovih porodica - 4.236 korisnika (985+4.512+5.042+3.849+6.608+8.147+4.236=33.379).

Po podacima Federalnog zavoda za PIO/MIO zaključno sa mjesecom decembrom 2023. godine isplaćeno je:

- 11.630 penzija korisnicima po članu 3. Zakona o prijevremenom povoljnijem penzionisanju branilaca odbrambeno-oslobodilačkog rata,
- 21.146 penzija korisnicima po čl. 4., 9. stav 2. i članu 14. stav 2. Zakona o prijevremenom povoljnijem penzionisanju branilaca odbrambeno-oslobodilačkog rata,
- 7.448 penzija korisnicima koji su to pravo ostvarili po osnovu Zakona o pravima branilaca i članova njihovih porodica,
- 9.125 penzija korisnicima koji su to pravo ostvarili po osnovu Zakona o pravima demobiliziranih branilaca i članova njihovih porodica, od čega je 8.895 korisnika ispunilo uslove po Zakonu o PIO/ MIO.

Od ukupnog broja zaprimljenih Uvjerjenja na obrascu FMB-2, FZ MIO/PIO je postupio u 1076 predmeta, a za 176 dostavljenih Uvjerjenja na obrascu FMB-2 nakon objavljivanja presuda Ustavnog suda Federacije BiH (presuda U-7/12 od 22.11.2012., koja je objavljena 06.01.2013. godine i presuda broj U-17/12 od 7.2.2013. godine, objavljena 27.03.2013. godine) još uvijek nije postupljeno iz razloga provođenja postupka implementacije istih.

Od 1076 obrađenih predmeta, u ponovnom postupku dostavljeno je Uvjerjenje na obrascu FMB-1 za 605 korisnika, za 12 korisnika je donesena presuda nadležnog suda o ponovnom uspostavljanju prava i za 4 korisnika je promjenjen osnov za priznavanje prava na penziju, pa je za 621 korisnika ponovo uspostavljena isplata. Za 181 korisnika je dostavljeno Uvjerjenje na obrascu FMB-2, ali su isti ostvarili pravo po drugom propisu.



## **2. Pokazatelji o II. i III. fazi revizije za IV. kvartal 2023. godine i ukupno od početka revizije do 31.12.2023. godine**

U IV. kvartalu 2023. godine Sektoru za upravno rješavanje, praćenje rada ljekarskih komisija i pomoć u liječenju ovog Ministarstva na provođenje II. i III. faze revizije dostavljeno je 46 spisa predmeta lične invalidnine.

U navedenom kvartalu ovaj Sektor postupao je u ukupno 680 predmeta. Od navedenog broja:

- u 9 predmeta doneseno je rješenje o ukidanju priznatih prava na osnovu izdatog Uvjerenja na obrascu FMB-2,
  - u 94 predmeta lične invalidnine nakon izdavanja Uvjerenja na obrascu FMB-1 i nalaza i mišljenja ljekarske komisije postupak kontrole okončan stavljanjem klauzule o izvršenoj reviziji, potvrđen obim priznatih prava,
  - u 25 predmeta porodične invalidnine nakon izdavanja Uvjerenja na obrascu FMB-1 postupak kontrole okončan stavljanjem klauzule o izvršenoj reviziji,
  - u 19 predmeta lične i 1 predmetu porodične invalidnine donesena su rješenja kojim je utvrđen manji obim prava u skladu sa ocjenom ljekarske komisije Instituta,
  - u 7 predmeta lične invalidnine doneseno rješenje o prestanku priznatih prava na osnovu ocjene ljekarske komisije Instituta,
  - u 1 predmetu lične invalidnine doneseno je rješenje kojim je utvrđen veći obim prava u skladu sa ocjenom ljekarske komisije Instituta,
  - 15 predmeta vraćeno nadležnoj općinskoj službi, postupak obustavljen zbog smrti korisnika,
  - 74 predmeta vraćeno Sektoru za normativno-pravne, kadrovske, opće poslove i informatiku, radi otklanjanja nedostataka i grešaka učinjenih u I. fazi revizije,
  - 186 predmeta obrađeno i upućeno ljekarskim komisijama Instituta radi davanja nalaza, mišljenja i ocjene,
  - u 249 predmeta doneseni su različiti akti u vezi sa postavljenim upitima u vezi sa kontrolom zakonitosti, klauzulama pravomoćnosti i dr.
- Iz naprijed navedenih pokazatelja vidljivo je da je u IV. kvartalu 2023. godine u 171 predmetu okončan postupak revizije bilo donošenjem rješenja ili stavljanjem klauzule o izvršenoj reviziji (saglasnost) ili vraćanjem službi zbog nepostojanja uslova za dalje vođenje postupka.

Od početka provođenja III. faze revizije 15.3.2011. godine do 31.12.2023. godine Sektor za upravno rješavanje, praćenje rada ljekarskih komisija i pomoć u liječenju postupao je u 56.250 predmeta lične i porodične invalidnine. Od navedenog broja u vezi sa izvršenjem presuda nadležnih sudova postupano je u 4.080 predmeta.

Naprijed navedeni broj predmeta riješen je na slijedeći način:

- u 36.871 predmetu postupak okončan stavljanjem štambija o izvršenoj reviziji,
- u 4.971 predmetu postupak okončan donošenjem upravnog akta o prestanku prava, a sve nakon pribavljanja nalaza i mišljenja nadležne ljekarske komisije,
- u 1.541 predmetu postupak okončan donošenjem upravnog akta o prestanku prava, nakon izdavanja Uvjerenja na obrascu FMB-2,
- u 11.279 predmeta postupak okončan donošenjem upravnog akta kojim je umanjen obim priznatih prava na osnovu nalaza i mišljenja nadležne ljekarske komisije,
- u 736 predmeta postupak okončan donošenjem upravnog akta kojim je povećan obim priznatih prava,

- u 265 predmeta postupak okončan donošenjem upravnog akta u skladu sa nalazom i mišljenjem Konzilijarne ljebarske komisije,
- 483 predmeta vraćena nadležnim službama zbog smrti stranke ili je zbog drugih razloga nastupila nemogućnost daljeg vođenja postupka,
- 510 predmeta dostavljena nadležnoj organizacionoj cjelini Ministarstva zbog otklanjanja nepravilnosti nastalih u I. fazi revizije.

### **2.1. Pokazatelji o radu ljebarske komisije Instituta u postupku po Zakonu o reviziji**

U periodu od 29.04.2011. godine (prvi put dostavljeni predmeti Institutu) do 31.12.2023. godine Ljebarskoj komisiji Instituta za medicinsko vještačenje po Zakonu o provođenju kontrole zakonitosti korištenja prava iz oblasti branilačko-invalidske zaštite (u daljem tekstu: LJKZKZ) dostavljeno je ukupno 56.468 predmeta. Od tog broja u izvještajnom periodu dato je 56.045 nalaza i mišljenja. Analiza datih nalaza i mišljenja navedene Ljebarske komisije Instituta je sljedeća:

- od ukupno 56.045 data nalaza i mišljenja struktura istih u odnosu na nalaze i mišljenja date u ranijim postupcima je sljedeća: isti u 37.197 predmeta; veći u 733 predmeta; manji u 1.558 predmeta; ukinut u 5.967 predmeta, u 590 predmeta vojni invaliditet nije cijenjen.
- u ukupno datih 33 nalaza i mišljenja u predmetima porodične invalidnine (uzročno-posljedična veza između smrti RVI i osnova po kojem mu je bilo priznato svojstvo RVI i nesposobnost za privređivanje) stanje u odnosu na utvrđeno konačnim rješenjima je sljedeće:
  - isto u 28 predmeta i ukinuto u 5 predmeta.

U IV. kvartalu 2023. godine: Sektor za upravno rješavanje dostavio je LJKZKZ ukupno 186 predmeta lične invalidnine i 0 predmeta porodične invalidnine, a ista je u 81 predmetu lične invalidnine dala nalaz i mišljenje.

U IV. kvartalu 2023. godine od ukupno 81 datog nalaza i mišljenja, procenti invaliditeta po nalazima i mišljenjima LJKZKZ u odnosu na utvrđene konačnim rješenjima su: isti u 57 predmeta; veći u 2 predmeta; manji u 13 predmeta; ukinuti u 2 predmeta i nije cijenjen u 7 predmeta.

Pri ocjeni ortopedskog dodatka i dodatka za njegu i pomoć od drugog lica stanje je sljedeće:

- a) Ortopedski dodatak od početka druge faze revizije do 31.12.2023. godine je cijenjen u ukupno 10.266 predmeta korisnika prava na ličnu invalidninu, pri čemu je: postojeći stepen potvrđen u 8.257 predmeta, povećan stepen ortopedskog dodatka u 100 predmeta, smanjen u 171 predmetu, ukinut u 1.431 predmetu, prvi put utvrđen u 279 predmeta, nije cijenjen u 28 predmeta.
- U IV. kvartalu 2023. godine: Ortopedski dodatak je cijenjen u ukupno 10 predmeta korisnika prava na ličnu invalidninu, pri čemu je: postojeći stepen potvrđen u 5 predmeta, povećan stepen ortopedskog dodatka u 1 predmetu, smanjen u 0 predmeta, ukinut u 2 predmeta, prvi put utvrđen u 0 predmeta i nije cijenjen u 2 predmeta.



b) Dodatak za njegu i pomoć od drugog lica od početka druge faze revizije do 31.12.2023. godine je cijenjen u ukupno 887 predmeta korisnika prava na ličnu invalidninu, pri čemu je: postojeći stepen tuđe njege potvrđen u 781 predmetu, povećan u 10 predmeta, smanjen u 40 predmeta, ukinut u 41 predmetu, prvi put utvrđen u 9 predmeta, nije cijenjen u 6 predmeta.

U IV. kvartalu 2023. godine: Dodatak za njegu i pomoć od drugog lica je cijenjen u ukupno 0 predmeta korisnika prava na ličnu invalidninu.

### **3. Uočene pojave koje utiču na proces provođenja Zakona**

#### **3.1. Realizacija Presuda Ustavnog suda Federacije BiH**

Ustavni sud Federacije Bosne i Hercegovine donio je presude br.: U-7/12, U-17/12, U-11/12, U-22/12, U-8/13, 52/13 kojima je utvrdio da pojedine odredbe zakona iz oblasti branilačko-invalidske zaštite i uredbe nisu u saglasnosti sa Ustavom Federacije Bosne i Hercegovine. Dio presuda Ustavnog suda je realiziran kroz izmjene Zakona o reviziji.

Presudom Ustavnog suda Federacije Bosne i Hercegovine, broj: U-22/12 od 18.12.2012. godine, koja je objavljena u "Službenim novinama Federacije BiH", broj: 12/13, utvrđeno je da Uredba o privremenom preuzimanju dijela funkcija prijašnjeg Federalnog ministarstva odbrane iz oblasti vojnih evidencija ("Službene novine Federacije BiH", broj: 53/12), nije u saglasnosti sa Ustavom Federacije Bosne i Hercegovine.

Presudom Ustavnog suda Federacije BiH broj 52/13 od 11.02.2014. godine, koja je objavljena u "Službenim novinama Federacije BiH", broj 18/14 utvrđeno je da Uredba o privremenom preuzimanju dijela funkcija prijašnjeg Federalnog ministarstva odbrane iz oblasti vojnih evidencija ("Službene novine Federacije BiH", broj: 67/13) nije u saglasnosti sa Ustavom Federacije Bosne i Hercegovine. Prenos funkcija prijašnjeg Federalnog ministarstva odbrane treba izvršiti isključivo putem zakona.

Status realizacije Presude: Nije realizirana.

#### **4. Rad Revizorskog tima za koordinaciju**

Revizorski tim za koordinaciju imenovan je Odlukom predsjednika Federacije BiH br: 01-02-490/15 od 29.05.2015. godine, broj: 01-02-490/15 od 29.05.2015. godine i broj: 01-02-490-05/15 od 19.5.2016. godine u sastavu: Pavo Šljivčić, Halil Čučurović, Lazar Martinović, Isad Smajlović, Miroslav Škoro, Esad Crnica, Marija Čelam i Elvir Međuseljac.



Revizorski tim za koordinaciju u okviru svojih nadležnosti realizovao je sljedeće aktivnosti:

|   | REALIZOVANE AKTIVNOSTI RT ZA KOORDINACIJU ZA PERIOD OKTOBAR-DECEMBAR 2023.GODINE   | BROJ |
|---|--|------|
| 1 | ODRŽANE SJEDNICE RT ZA KOORDINACIJU  | 6    |
| 2 | ODRŽANI SASTANCI SA PREDSTAVNICIMA<br>MINISTARSTVA   | 0    |
| 3 | PREGLEDANI PREDMETI UPUĆENI RT ZA<br>KOORDINACIJU NA ODLUČIVANJE   | 45   |
| 4 | IZVRŠENI NADZORI RADA RT ZA KONTROLU   | 13   |
| 5 | ODGOVORI PO ZAHTJEVIMA   | 12   |
| 6 | OKONČANA I FAZA KONTROLE ZAKONITOSTI   | 20   |
| 7 | POSTUPANJE U PONOVNIM POSTUPCIMA PO<br>PRESUDAMA SUDOVA  | 4    |
| 8 | OKONČANI PREDMETI KORISNIKA PRAVA NA<br>POVOLJNIJE PENZIONISANJE PO ODRREBAMA<br>ZAKONA O PRIJEVREMENOM POVOLJNIJEM<br>PENZIONISANJU | 0    |

#### 5. Angažovanje lica po ugovoru o djelu

U toku IV. kvartala 2023. godine nastavljen je angažman, uz prethodnu saglasnost Vlade Federacije BiH, određeni broj lica po osnovu ugovora o djelu radi podrške u provođenju Zakona o reviziji. Jedan broj bio je angažovan u sjedištu Ministarstva, a jedan broj na terenu

u organizacionim jedinicama koje Ministarstvo ima u svakoj općini i sjedištima kantona. Broj angažovanih lica kreće se u okviru i prema saglasnosti Vlade Federacije BiH date ovom Ministarstvu za angažovanje određenog broja lica po ugovoru o djelu kojim se osigurava neometano funkcioniranje ključnih sektora Federalnog ministarstva u uslovima znatnog povećanja obima posla zbog provođenja Zakona o reviziji.

## **6. Dinamički plan kontrole zakonitosti korištenja prava iz oblasti branilačko-invalidske zaštite**

### **6.1. Realizacija Dinamičkog plana za IV. kvartal 2023. godine**

Zakon o reviziji donesen je kao rezultat potrebe da se izvrši sveobuhvatna kontrola službenih evidencija i dokumentacije, koja je poslužila kao osnov za sticanje prava na ličnu invalidninu, porodičnu invalidninu, mjesečni novčani dodatak i starosnu penziju pod povoljnijim uslovima, kao i kontrola ispravnosti postupaka priznavanja pomenutih prava i utvrđivanja stepena tjelesnog oštećenja radi priznavanja svojstva ratnog vojnog invalida. Vlada Federacije BiH je razmatrajući informaciju o reviziji za III. kvartal 2022. godine dala saglasnost za Dinamički plan realizacije Zakona o reviziji za 2023. godinu.

Dinamičkim planom kontrole za 2023. godinu planiran je rad Revizorskog tima za koordinaciju na vršenju prve faze revizije u predmetima korisnika prava prikazanim u tabelarnom pregledu iz tačke 1.1. ove Informacije, predmetima korisnika prava koji se nisu nalazili na početnom spisku korisnika prava, a isti podliježu reviziji, na predmetima u vezi sa presudama nadležnih sudova-ponovni postupci, žalbama, u predmetima povoljnijih penzija ostvarenih po odredbama ZPPP, kao i postupanje u svim drugim slučajevima u vezi sa I. fazom revizije.

Planirane aktivnosti su realizirane u skladu sa objektivnim mogućnostima i u obimu kako je to prikazano u tabelarnom pregledu iz tačke 1.1. i tačke 4. ove informacije.

U II. fazi koja podrazumjeva upućivanje na Institut i davanje nalaz i mišljenja Instituta za medicinsko vještačenje u IV. kvartalu 2023. godine Institutu je dostavljeno 186 predmeta, od planiranih 150, odnosno 36 predmeta više od planiranog broja, dok su ljezarske komisije Instituta u 81 predmetu dale nalaz i mišljenje od planiranih 200 predmeta, odnosno 119 predmeta manje od planiranog broja.



Razlozi zbog kojih Dinamički plan II. faze nije ispunjen su sljedeći:

- nepostupanje općinskih službi za boračko-invalidsku zaštitu po zahtjevima ovog Ministarstva za dostavu oko 991 predmeta za vršenje II. faze revizije. U navedenom prednjače Zapadnohercegovački kanton sa oko 666 predmeta, Ministarstvo za pitanja branitelja Posavskog kantona sa oko 219 predmeta, dok se na ostale općine odnosi oko 106 predmeta;
  - organizacioni nedostatak Instituta u smislu stvaranja prepostavki za davanje planiranog broja nalaz i mišljenja od strane nadležne ljekarske komisije;
  - izbjegavanje korisnika prava da se po pozivu odazovu na pregled kod nadležne ljekarske komisije;
  - ne prijavljivanje promjene mjesta prebivališta nadležnoj službi za boračko-invalidsku zaštitu.
- u III. fazi koja podrazumijeva završetak rada na predmetu, odnosno donošenje akta kojim će postupak revizije biti okončan u IV. kvartalu 2023. godine ukupno je okončan 171 predmet od planiranih 150/200, odnosno 21 predmet više od planiranog minimalnog broja i 29 predmeta manje od planiranog maksimalnog broja.

## **7. Realizacija dosadašnjih zaključaka Vlade Federacije BiH**

Ovo je 55. informacija upućena Vladi Federacije BiH koja tretira problematiku Zakona o reviziji. Dosadašnji zaključci Vlade Federacije BiH su realizirani.

## **8. Završna razmatranja**

Ministarstvo je i u IV. kvartalu 2023. godine u skladu sa objektivnim mogućnostima nastavilo sa provođenjem Zakona o reviziji, odnosno sa aktivnostima na stvaranju preduslova za provođenje i okončanje prve faze revizije, na provedbi druge i treće faze kontrole zakonitosti, te na ažuriranju i sravnjivanju podataka u evidencijama koje se vode u vezi provedbe Zakona o reviziji u cilju dobijanja što tačnijih brojčanih pokazatelja dostignutog nivoa njegove provedbe.

Od početka revizije zaključno sa 31.12.2023. godine ukupno je pregledano 141019 predmeta, za pregled ostaje još 36 predmeta. Okončan je postupak u 10.121 predmetu povoljnih penzija ostvarenih po članu 4. stav 3. Zakona o prijevremenom povoljnijem penzionisanju branilaca odbrambeno-oslobodilačkog rata za čiju I. fazu kontrole je bio zadužen Revizorski tim za koordinaciju.

Na snazi je 1.653 Uvjerjenja izdatih na obrascu FMB-2 (prestanak prava), donesena su 6.552 rješenja o prestanku prava i 11.279 rješenja kojim je utvrđen manji obim prava (smanjen procent vojnog invaliditeta, ukinut ili smanjen ortopedski todatak/dodatak za tuđu njegu i pomoć).

Što se tiče daljeg nastavka kontrole zakonitosti, ovo Ministarstvo je opredjeljena da i u 2024. godini nastavi sa aktivnostima na izvršavanju poslova u vezi sa prvom fazom revizije, kao i na poduzimanju neophodnih radnji i mjera kako bi u II. i III. fazi revizije uspjelo dostići Dinamičkim planom zadane parametre.

Uzimajući u obzir u informaciji navedene podatke i preglede da se zaključiti da je Ministarstvo u skladu sa objektivnim mogućnostima poduzelo i poduzima mjere i radnje u cilju izvršenja poslova i zadataka koji proizilaze iz Zakona o reviziji.

U smislu prednje navedenog, predlaže se Vladi Federacije BiH da nakon razmatranja usvoji Informaciju o provođenju Zakona o reviziji za period oktobar-decembar 2023. godine, sa sljedećim zaključcima:

1. Prihvata se Informacija o implementaciji Zakona o provođenju kontrole zakonitosti korištenja prava iz oblasti branilačko-invalidske zaštite za period 01. oktobar – 31. decembar 2023. godine, te da se ista dostavi predsjedniku i potpredsjednicima Federacije Bosne i Hercegovine i objavi na web stranici Federalnog ministarstva za pitanja boraca i invalida odbrambeno-oslobodilačkog rata /Federalnog ministarstva za pitanja branitelja i invalida domovinskog rata.
2. Zadužuje se Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata i Institut za medicinsko vještačenje zdravstvenog stanja da preduzmu organizacione i sve druge radnje i mjere iz svoje nadležnosti u cilju provođenja Dinamičkog plana Zakona o provođenju kontrole zakonitosti korištenja prava iz oblasti branilačko-invalidske zaštite za 2024. godinu.

Dostavljeno:  
- Vlada F BiH  
- a/a

